

Hamar urte bete ditu Iraun Haurreskolak

Ospakizun jendetsua egin dute apirilaren 20an

**“Haurrak, gero eta gehiago,
aiton-amonekin uzten dituzte”**

**“Garrantzi handia ematen diogu
egokitzapenari eta atxikimenduari”**

Idoia Carrera, Iraun Haurreskolako
koordinatzailea



Ehunka familia bildu dira Iraun Irungo Haurreskolan, hamargarren urteurrenaren ospakizunean. Apirilaren 20an izan da, Konpostela kaleko egoitzan. “Oso hunkigarria izan da”, aitortu du Idoia Carrera haurreskolako koordinatzaileak. Haurreskolatik pasatako haurren familia belaunaldi ezberdinak egon dira, urte ezberdinetako hezitzaileak, praktiketan egondakoak etab: “Xumea izan da, etxekoa, baina oso ederra”.

Irailean martxan jarri zuten urteurrena antolatzeke lan taldea. Gonbidapen gutunak bidali zizkieten familiei, eta harrituta geratu ziren haien erantzun baikorrenekin. “700 lagun baino gehiago genituen izena emanda, eta haurreskolak ez du hainbeste jende hartzeko modurik. Beldurtu ere egin ginen”, adierazi du Idoia Carrerak. Azkenean hiru txanda antolatu zituzten, ospakizuna modu ordenatuan egiteko. Txandak eta orduategiak aldeztu aurretik ondo azalduta, primeran ateratu zen festa.

Txalapartarekin eta agurrarekin jaso zuten familiek harrrera. Ondoren, jarduera ezberdinak egon ziren haurreskolan. Argazki erakusketa, alde batetik, azken hamar urteetan haurreskolatik pasatako haur guztien argazkiekin. Terrazan photocall bat egon zen, eta jangelan askaria, guraso batzuen musikarekin girotua. Bestalde, Marte sorkuntza laborategiko arduradunek pintura tailerra eskaini zuten. Ederrena, ordea, haurreskolatik hamar urteetan zehar pasatako jendearekin berriro topatzea izan zela onartu du Idoia Carrerak.

1979 urtean Prudencia Arbide kalean zabaldu zuten haurtzaindegian du jatorria egungo haurreskolak.

2004an, pribatua izatetik Haurreskolen Partzuergoan sartzea pasa zen. 2007an eraikin berria zabaldu zuten Konpostela kalean, eta bertan, hezitzaile lan talde berria egonkortu zen, 2009ko oposaketetan. Gaur egun, 13 langile eta 58 haur daude, 0 eta 2 urte artekoak. “Azken urteetan beheraldia egon da haurren kopuruan, jaiotze tasaren jaitsieragatik eta haurrak, gero eta gehiago, aiton-amonekin uzten dituztelako”, aitortu du Carrerak. Aurten, alabaina, ia betea eduki dute haurreskola.

Garapenaren erritmoa errespetatzea

Haurreskolako hezitzaileen ezaugarri nagusia da familiekin edukitzen duten eguneroko harremana. Idoia Carrerak azaldu du: “Haurrak oso txikiak dira, eta lehen banantzea izaten da haien familiarekiko. Horregatik ga-

rrantzi handia ematen diogu egokitzapenari eta atxikimenduari. Asko zaintzen ditugu materiala eta espazioa”. Haurrak behatzea, haien garapena ezagutzea izaten da lan nagusietako bat. Haien erritmoa errespetatzea: “Sarriritan, ibili behar duela, edo hitz egin behar duela, aurreratu egiten gara”.

Euskaraz egiten diete haurrei, orokorrean. “Ikusten baldin badugu ez dutela ulertzen, momenturen batean lagun diezaiekegu. Baina gainerakoan, euskaraz egiten diegu. Sekulako malgutasuna dute hizkuntzak ikasteko”, azpimarratu du Carrerak. 2018-2019 ikasturterako matrikulazio epea maiatzaren 2tik 22ra izango da. Maiatzaren 7an, ate irekietako jardunaldiak egingo dituzte, 17:00etan.

Olaizola

Immobiliaria agentzia

- ✓ Salmenta-Alokairuak
- ✓ Promozio berriak
- ✓ Aholkularitza

Beraketa kalea, 17 • 20302 IRUN • Tel: 943 626585
info@inmobiliariaolaizola.com
www.inmobiliariaolaizola.com



Inicio > Conectamos con > "Pozgarria da familiak nola inplikatu diren ikustea"

Conectamos con

"Pozgarria da familiak nola inplikatu diren ikustea"

Idoia Carrera, Iraun Haurreskolako koordinatzailea

Por Oihana Sánchez - 19 abril, 2018 401 0



Redes Sociales

	0 Fans	ME GUSTA
	487 Seguidores	SEGUIR



Festa antolatu dute Iraun Haurreskolan ostiralerako 10. urteurrena ospatzeko. / Iraun Haurreskola

Iraun Haurreskolak 10 urte betetzen ditu aurten. Konpostela kalean kokatua, urrun ikusten da jada 2007ko irailaren 6a. Hura izan zen lehenengo eskola eguna. Bide luze honetan, hainbat eta hainbat haur eta, nola ez, istorio eta bitxikeri ugari.

– Zenbat ikasle eta zenbat irakasle zaudete momentu honetan haurreskolan?

Buscar

– Advertising –

Entradas recientes

Nota de condena del Ayuntamiento de Irun

Exhumación de restos mortales en el cementerio

Declaraciones de Santano en torno al comunicado de ETA

Iridoy: “Korrokoitzeko antolaketa akordioak berme teknikoa jaso du”

Oraintxe bertan 58 haur eta 13 hezitzaile gaude haur eskolan. 10 urtetan orotara 500tik gora haur pasa dira haur eskolatik!

– Datorren ostiralean urteurren festa antolatu duzue. Kontaiguzue zer daukazuen pentsatuta festarako.

Festaren martxa egokitu behar izan dugu, izan ere 600etik gora persona apuntatu dira jaialdirako! Oso hunkituta gaude izandako harrerarekin. Denoi harrera egin behar genuela sentitu genuen eta horregatik 3 txanda antolatu ditugu, izena eman duten familiekin. Aforo kontuak direla eta ezin dira 250 pertsona baino gehiago egon aldi berean haur eskolan. Jaialdi xumea izango da, hemendik pasatako familiek beraien laguntza eskaini digutelarik, margoketa tailerrera, dantzatzeko, txalaparta jotzeko, abesteko, elkarrizketetarako, luntxerako etab..... Pozgarria da familiak nola inplikatu diren ikustea. Jaialdian topatuko dituzuenak hauek dira: argazki erakusteka, margoketa tailerra, aurpegi margoketa, photocalla, luntxa ... besteak beste.

– Prestaketa lanak noiz hasi zenituzten?

Irailean hasi ginen jaialdia martxan jartzen, ze forma eman pentsatzen. Ez da erraza izan baina ilusio handiz lan egin dugu trabei irtenbideak bilatuz bilatuz. Gainera familien erantzuna ikusteak asko hunkitu gaitu eta jaialdia antolatzekeo indarrak eman dizkigu.

– Nola bururatu zitzaizuen honelako festa bat antolatzea?

Argi genuen 10. urteurrena zela eta ospakizun bat egin behar genuela. Gure lanaren protagonistak haurrak eta beraien familiak dira eta beraiekin zeozer egin behar

Hegobus se refuerza con más paradas

– Advertising –

genuela argi genuen. Haur eskola ireki eta beraiekin hemen berriz topatzeko aukera polita zela pentsatu genuen. Festaren formatoa aldatzen joan da bereziki izandako arrakasta ikusita... egokitu behar izan dugu.

– Urduri ostiralerako?

Ilusio handiarekin gaude eta urduri ere noski. Haur eta familia asko berriz ikusteak poz handia emango digu . Dena ondo joango delaren ardura puntu batekin ere... Azken detailetxoak lotzen ... Ostirala bertan dugu!

– Uste dut gurasoekin harremanetan jartzeko momentuan ezin izan dituzuela guztiak topatu. Elkarrizketa irakurtzekotan, ostiralean haurreskolara gerturatzeko aukera daukate oraindik?

Tamalez familia batzuek helbidez aldatu dira eta ezin izan dugu beraiekin kontaktatu. Halere ahoz ahokoak funtzionatu du eta nahiz eta eskutitza ez jaso familia gehienek izan dute jaialdiaren berri. Segurtasun neurriak zorrozki errespetatu behar dira eta 250 pertsona baino gehiago ezin dira haur eskolan aldi berean egon. Apuntatuta daudenek izango dute lehentasuna baina baten batek berandu izan badu jaialdiaren berri pasa daiteke, baina esan bezala aforoa ezin da gainditu inolaz ere.

COMPARTIR



tweet